

Lösungen Buch Paul un Emma un ehr Frünnen

Lex 3 Dor kaam ik her (S. 20-27)

1. Opwarmen

- 1.1. Ik seh twee Müüs op en Skatebord op de Straat. Twee Duven fleegt in de Luft. En Duuv sitt baven op de Stratenlanteern. Ik seh twee Hüüs. Dat een Huus is root un hett fief Finstern un en Döör. Ik glööv, dor wahnt Emma. Dat annere Huus is geel un liggt en beten verstaken achter twee Bööm. Ik seh twee brune Peer op de Koppel achter dat rode Huus. Dat is Fröhjohr oder Sommer, denn de Bööm hebbt Blääd. Op den Footweg löppt en Deern mit ehr Bökertasch/Ranzel op den Ruch na School. Dor is ok en gele Stratenschild. Dor op steiht „School“. An de Straat parkt twee Autos, dat een Auto is lütt un root un hett dat Kennteken LS 100. LS bedüüd Lüttstadt. Dat annere Auto is gries un en beten grötter as dat rode Auto. Emma steiht op den Footweg mit ehren violetten Ruller. Se hett en gröne T-Shirt an un ehr Rock is pink. Emma hett ehr rode Bökertasch/Ranzel op den Ruch un will mit ehren Ruller op de anner Siet vun de Straat fohren. Se will ok na School. Emma lacht un winkt uns to. Se hett brune Schoh un witte Strümp an.
- 1.2. Emma wahnt in en rode Huus. Dat is nich knallroot, man düüsterroot. Dat Huus hett (op düsse Siet) fief Finstern un an de Siet en Döör. Twee Finstern sünd to even Eer, twee Finstern sünd in de eerste Etaasch un en lütte Finster is ganz baven op den Böhn. Achter dat Huus is en Koppel. Dor steiht ok en grote Boom.
- 1.3. Bispeel: Uns Huus is witt un groot. Mien Stuuw is baven un ik mutt en Trepp hoochgahn, wenn ik na mien Stuuw will. Wi hebbt en groten Goorn. Dor kann ik Football spelen mit mien Broder.

3. Do mal wat

3.1.

Lösung to dat Arbeitsblatt ut de online Handreichung:

Op – An – in – ünner – neven – An – Op – över – op – vör

4. Wöör bruken

	Nomen	Adjektive, de passen köönt
1.	dat Bett	groot, lang, lütt
2.	de Disch	breet, hooch, lütt
3.	de Döör	breet, düüster, hooch
4.	dat Klederschapp	breet, düüster, groot
5.	de Lamp	hell, lütt, nie
6.	dat Regal	breet, hooch, nie
7.	de Schrievdisch	groot, hell, nie
8.	de Speelsaken	bunt, nie, week
9.	Stohl	hooch, lütt, nie
10.	Teppich	bunt, nie, week

So kunnen de Sätz utsehn:

1. Dat Bett is lang.
2. De Disch is lütt.
3. De Döör is breet.
4. Dat Klederschapp is düüster.
5. De Lamp is hell.
6. Dat Regal is groot.
7. De Schrievdisch is nie.
8. De Speelsaken sünd bunt.
9. De Stohl is hooch.
10. De Teppich is week.

5. Öven

5.1. Noch mehr Bispelen:

In mien Stuuu heff ik en Disch, twee Stöhl, en Bett un en Regal. Wat hest du in dien Stuuu?

In mien Stuuu heff ik en Klederschapp, en Slaapsofa, twee Sessel un en Teppich. Wat hest du in dien Stuuu?

5.2. Noch mehr Bispelen:

In mien Stuuu is mien Kleedaasch in mien Klederschapp un de Böker sünd op dat Regal. Wo süht dat in dien Stuuu ut?

In mien Stuuu is nich veel Platz. Op mien Bett sitt mien Kuschedeerten un ünner mien Bett liggt en paar Böker. Wo süht dat in dien Stuuu ut?